

ՀԱՄԱՁԱՅՆԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ

ԵՎ

ՈՒԿՐԱԻՆԱՅԻ ԿԱՌԱՎԱՐՈՒԹՅԱՆ

ՄԻՋԵՎ

ՀԱՐԿԱՅԻՆ ՕՐԵՆՍԴՐՈՒԹՅԱՆ ՊԱՀՊԱՆՄԱՆ ՀԱՐՑԵՐՈՒՄ
ՀԱՄԱԳՈՐԾԱԿՑԵԼՈՒ ԵՎ ՓՈԽԱԴԱՐՁ ՕԳՆՈՒԹՅԱՆ ՄԱՍԻՆ

Հայաստանի Հանրապետության կառավարությունը և
Ուկրաինայի կառավարությունը, որոնք այսուհետև կանվանվեն
«Կողմեր»,

Ելնելով հարկային օրենսդրության պահպանման հարցերում
միջազգային համագործակցության և փոխօգնության կարևորությունից
և ցանկանալով այդ նպատակով հնարավորին չափ լայն աջակցել
միմյանց, համաձայնվեցին ներքոհիշյալի մասին:

Հոդված 1

Տերմինների սահմանումը

Սույն Համաձայնագրի նպատակների համար կիրառվող
տերմինները նշանակում են՝

«հարկային օրենսդրություն» - տվյալ Կողմի տարածքում
հարկերի տեսակները և դրանց զանձման կարգը սահմանող և
հարկային պարտավորությունների առաջացման, փոփոխման և
դադարեցման հետ կապված հարաբերությունները կարգավորող
իրավաբանական նորմերի ամբողջություն,

«հարկային օրենսդրության խախտում» - հակաիրավական գործողություն կամ անգործունեություն, որն արտահայտվում է հարկատուի կողմից բյուջեի հանդեպ պարտավորությունները չկատարելու կամ ոչ պատշաճ կատարելու մեջ, որի համար սահմանված է իրավաբանական պատասխանատվություն,

«իրավասու հարկային մարմիններ»՝

Ուկրաինայի առնչությամբ՝ Ուկրաինայի պետական հարկային ադմինիստրացիան,

Հայաստանի Հանրապետության առնչությամբ՝ Հայաստանի Հանրապետության հարկային տեսչությունը,

«հարցում անող հարկային ծառայություն» - հարկային հարցերով աջակցելու վերաբերյալ հարցում անող Կողմի իրավասու հարկային մարմինը (այսուհետև՝ «աջակցության մասին հարցում»),

«հարցումը ստացող հարկային ծառայություն» - աջակցության մասին հարցումը ստացող Կողմի իրավասու հարկային մարմինը:

Հոդված 2

Համաձայնագրի կիրառման ոլորտը

Կողմերը հարկային իրավասու մարմինների միջոցով, հարկային օրենսդրության պատշաճ կատարումն ապահովելու նպատակով փոխադարձ աջակցում են միմյանց՝

հարկային օրենսդրության խախտումները կանխելիս եւ խափանելիս,

իրավաբանական ու ֆիզիկական անձանց կողմից հարկային օրենսդրությունը կատարելու վերաբերյալ տեղեկատվություն տրամադրելիս,

ազգային հարկային համակարգերի և հարկային օրենսդրության ընթացիկ փոփոխությունների մասին տեղեկատվություն տրամադրելիս,

հարկային մարմինների աշխատանքն ապահովող համակարգչային համակարգեր ստեղծելիս եւ գործարկելիս,

հարկ վճարողների և հարկային մարմինների հետ աշխատանքը կազմակերպելիս, ներառյալ հարկային օրենսդրության պահպանման վերահսկողության ապահովման վերաբերյալ մեթոդական ցուցումների մշակումը,

կադրերի ուսուցման և մասնագետների փոխանակման բնակավառում,

համատեղ գործողություններ պահանջող այլ հարցերում:

Սույն Համաձայնագրի դրույթները չեն խոչնդոտում իրավասու հարկային մարմինների համագործակցությանը Կողմերի միջև կնքված այլ համաձայնագրերին համապատասխան:

Հոդված 3

Աջակցության մասին հարցման ձևն ու բովանդակությունը

Աջակցության մասին հարցումը ուղարկվում է գրավոր՝ կցելով քննարկման համար անհրաժեշտ փաստաթղթերը: Անհետաձգելի դեպքերում աջակցության մասին հարցումը կարող է արվել բանավոր, հետագայում հնարավոր կարճ ժամկետներում այդ մասին գրավոր հաստատելով:

Աջակցության մասին հարցումը պետք է ընդգրկի՝

հարցում անող հարկային ծառայության անվանումը,

հարցումը ստացող հարկային ծառայության անվանումը,

հարցապնդման նպատակն ու պատճառը,

հարկ վճարողի անվանումն (անունն) ու հասցեն, որի նկատմամբ արվում է հարցումը,

հարցման էության և դրա հետ կապված իրավաբանական հանգամանքների հակիրճ շարադրանքը, նշելով դիտարկվող ժամանակաշրջանը և հարկի կոնկրետ տեսակները:

Հարցումը ստացող հարկային ծառայությունն իրավասու է լրացուցիչ տեղեկություններ պահանջել աջակցության մասին հարցման վերաբերյալ:

Հոդված 4

Աջակցության մասին հարցումը կատարելու կարգը

Իրավասու հարկային մարմինները միմյանց աջակցում են ազգային օրենսդրությանը համապատասխան և իրենց իրավասության սահմաններում:

Հարցում անող հարկային ծառայությունը կարող է իր խնդրանքով ծանուցվել աջակցության մասին հարցումը կատարելու համար իրականացվող գործողությունների անցկացման ժամանակի և տեղի մասին, իսկ նրա ներկայացուցիչները՝ լրացուցիչ համաձայնության դեպքում, կարող են ներկա լինել դրանց անցկացմանը:

Եթե աջակցության մասին հարցումը չի կարող կատարվել հարցում ստացող հարկային ծառայության կողմից, նա հարցումն ստանալու օրվանից մեկ ամսվա ընթացքում այդ մասին գրավոր ծանուցում է հարցում անող հարկային ծառայությանը՝ նշելով աջակցելը մերժելու պատճառները:

Աջակցելու մասին հարցումը կարող է մերժվել, եթե դրա կատարումը հակասում է հարցում ստացող Կողմի հարկային օրենսդրությանը կամ վարչարարական պրակտիկային:

Հոդված 5

Տրամադրվող տեղեկատվության բովանդակությունը

Իրավասու հարկային մարմինները աջակցության մասին հարցումով կամ սեփական նախաձեռնությամբ միմյանց տրամադրում են հետևյալ տեղեկատվությունը,

ձեռնակությունների, դրանց մասնաճյուղերի և ներկայացուցչությունների գրանցման, ներառյալ՝ գտնվելու վայրի, ենթակայության, սեփականության ձևի և այլնի վերաբերյալ,

իրավաբանական ու ֆիզիկական անձանց կողմից պետական և առևտրային բանկերում հաշիվներ բացելու, ինչպես նաև դրանցում դրամական միջոցների առկայության ու շարժման վերաբերյալ,

տվյալ Կողմի տարածքում իրավաբանական ու ֆիզիկական անձանց ստացած բոլոր տեսակի եկամուտների, հարկերի վճարված գումարների կամ հարկման հետ կապված այլ տեղեկատվության վերաբերյալ,

սույն Համաձայնագրի 2 հոդվածով նախատեսված այլ հարցերի վերաբերյալ:

Հոդված 6

Փաստաթղթերի և այլ նյութերի ներկայացնելը

Հարցում ստացող հարկային ծառայությունը աջակցության մասին հարցման համաձայն ներկայացնում է նորմատիվ ակտեր, փաստաթղթերի վավերացված պատճեններ և այլ նյութեր, որոնք անհրաժեշտ են հարկային հետաքննություն կատարելու համար:

Փաստաթղթերի և այլ նյութերի բնօրինակները կարող են պահանջվել վավերացված պատճենները հետաքննության համար բավարար չլինելու դեպքում: Փաստաթղթերի եւ այլ նյութերի փոխանցվող բնօրինակները պետք է վերադարձվեն համաձայնեցված ժամկետներում:

Նյութերը կարող են տրամադրվել համակարգչային տեղեկատվության տեսքով՝ լրացուցիչ փոխանցելով այդ նյութերի մեկնաբանման համար անհրաժեշտ օժանդակ տեղեկատվություն:

Անհրաժեշտության դեպքում մի Կողմի հարկային մարմինները վավերացնում են մյուս Կողմում իրավաբանական ու ֆիզիկական անձանց հարկման համար պահանջվող փաստաթղթերը:

Հոդված 7

Տեղեկատվություն փոխանցելու կարգը

Աջակցության մասին հարցումները, փաստաթղթերը, նյութերը և այլ տեղեկատվություն փոխանցվում են իրավասու հարկային մարմինների համաձայնությանը որոշվող կարգով:

Աջակցությունն իրականացվում է իրավասու հարկային մարմինների ղեկավարների կողմից որոշված պաշտոնատար անձանց ուղղակի կապերի շրջանակներում:

Հոդված 8 Գաղտնիության պահպանումը

Կոնկրետ հարկ վճարողներին վերաբերող տեղեկատվությունը համարվում է գաղտնի և ապահովվում է հարցում ստացող հարկային ծառայության ազգային օրենսդրության և պահաջներին համապատասխանող պաշտպանության ռեժիմով:

Ստացած տեղեկատվությունը Կողմերը կարող են օգտագործել միայն սույն Համաձայնագրով նախատեսված նպատակների, այդ թվում նաև վարչական կամ դատական քննության համար: Տեղեկատվությունը կարող է օգտագործվել այլ նպատակների համար միայն հարցում ստացող հարկային ծառայության համաձայնությամբ:

Հոդված 9 Ծախսեր

Իրավասու հարկային մարմինները իրենց Պետության տարածքում կրում են սույն Համաձայնագրի կատարման հետ կապված բոլոր ծախսերը:

Արտակարգ ծախսեր պահանջող հարցումներ ստանալու դեպքում դրանց ֆինանսավորման հարցը քննարկվում է իրավասու հարկային մարմինների փոխադարձ պայմանավորվածությամբ:

Իրավասու հարկային մարմինները, եթե իրենց միջև այլ բան համաձայնեցված չէ, միմյանց կփոխհատուցեն տրամադրված նյութերի թարգմանության հետ կապված ծախսերը:

Հոդված 10 Համաձայնագրի կատարումը

Սույն Համաձայնագիրը մեկնաբանելիս կամ կիրառելիս ծագող վիճելի հարցերը կարգավորելիս Կողմերը կձգտեն հասնել փոխհամաձայնության:

Անհրաժեշտության դեպքում Կողմերը՝ սույն Համաձայնագրի իրականացման ընթացքի և նրա մեջ փոփոխություններ կատարելու նպատակահարմարության գնահատման համար, կանցկացնեն խորհրդատվություններ: Այդպիսի խորհրդատվությունների ժամկետները որոշվում են լրացուցիչ:

Սույն Համաձայնագրի դրույթների իրականացման նպատակով
Կողմերը կարող են առանձին հարցերի շուրջ կնքել լրացուցիչ
համաձայնագրեր:

Հոդված 11


Համաձայնագրի ուժի մեջ մտնելը և գործողությունը դադարեցնելը

Սույն Համաձայնագիրը ուժի մեջ է մտնում Պայմանավորվող
Կողմերի ներպետական բոլոր արարողակարգերի, ուժի մեջ մտնելու
համար անհրաժեշտ, կատարման մասին ծանուցագրերից վերջինիս
ծանուցման օրվանից և կգործի այնքան ժամանակ, մինչև
Պայմանավորվող Կողմերից մեկը, մինչև վեց ամիսը լրանալը, գրավոր
կծանուցի նրա գործողությունը դադարեցնելու իր մտադրության մասին:

Կնքված է ք. Կիևում 1997 թ. հուլիսի « 22 » երկու բնօրինակից,
յուրաքանչյուրը հայերեն, ուկրաիներեն և ռուսերեն լեզուներով, ընդ
որում բոլոր տեքստերն էլ համագոր են:

Սույն Համաձայնագրի տեքստի մեկնաբանման ժամանակ
Պայմանավորվող Կողմերի միջև տարաձայնություններ առաջանալու
դեպքում գերադասելի ուժ ունի ռուսերեն տեքստը:


ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԿՈՂՄԻՑ


ՈՒԿՐԱԻՆԱՅԻ
ԿԱՌԱՎԱՐՈՒԹՅԱՆ
ԿՈՂՄԻՑ